

楊一凡編

中國監察制度文獻輯要

第四冊

紅旗出版社

楊一凡編

中國監察制度文獻輯要

【第四冊】

紅旗出版社

中國監察制度文獻輯要第四冊目次

風憲約二卷

〔明〕呂坤撰
明萬曆二十六年趙文炳刊實政錄本

..... 一

都察院巡方總約一卷

〔明〕王世茂輯
明天啓間梅墅石閣刊仕途懸鏡本

..... 一九九

出巡事宜留臺總約等四種一卷

〔明〕徐必達 施沛等纂輯
明天啓刊南京都察院志本

..... 二七七

欽定臺規八卷(上)

〔清〕杭奕祿等修 慈中等纂
清乾隆刊本

..... 三八九

〔明〕呂坤撰 明萬曆二十六年趙文炳刊實政錄本

風 憲 約 二 卷

重刊風憲約序

風憲約者

中執法審城呂公觀察三晉時
所與郡國大夫約也編中提刑
之條五十二按察之條二十總
之飭吏治以奠民生要旨如斯
焉已攷之元命苞曰刑者例也

說文曰刀守井也飲者陷井刀
以守之割其情也繇天放已還
艾服滋長而網滋密焉繁脂秋
荼析楊為市嚮非宅哀矜之衷
乃平乃允茹恩于戴盆原情于
噬腊鮮不濫矣故曰欽哉惟刑
之恤曰治陳於刑而仁行焉則

刑之不可不慎也如此周官以
六典簡群吏顯序邦政漢世歲
遣使按部州郡舉察治行而又
厯功能之詔嚴謬舉之坐蓋詳
矣乃至神雀五鳳間良吏為盛
潁川渤海之倫廉平寬和廩廩
德讓君子至今韙焉斯考覈之

明效已是編凡詮胪列擢事選
言摯明慎之型標循良之鑒昭
哉人牧之端鵠乎寧言三晉博
之方隅銅墨之隘言不易矣不
佞之以

璽書按梁也梁蓋號極敕乎異時歲
游侵民委為道瑾噐訟喧噐赭

衣黑幪亡虛日間以一二幸民
稚埋快不逞邑里為鼎一時長
吏率驚虛聲而遜實意格以漢
京氏之考則惴惴奉職者半計
簿具文者半欺慢避課不在民
者不尠也哀此憚民更生之謂
何不佞蓋惘乎亟取

公已試之約廣之茲土與司土
者共之先民有言君子之行政
也辟醫師之用藥然藥取其瘳
病方不必自己出梁乎猶病者
自腠理以至絡節靡不受病茲
約固長桑之上池也寧論方不
自己不以藥此察民哉唯我守

長丞尉披鏡此書守為吏范亡
以拔璉先保嬰之愛亡以焚絲
亟烹鮮之理亡以懸筭右閉閤
之思廉以砥操慈以綏眊明以
照祿慎以止辟刑也如山獄也
如火矢心宣猶蘄壽民脉則中
土之疾庶其有瘳觀風使入

報且有狀矣語有之曰不習為吏視
已成事又云人願榮名諸大夫
即希蹤古循吏之業思垂不朽
之名也不佞則手是編與諸大
夫約

萬曆癸巳夏栢人陳登雲書于
澄清署舍

風憲約卷之六

提刑事宜

五十二款

本司執

九重法紀司三晉生靈凡笞杖以上訟不得其情刑不得其當者皆得提勘平反務俾生者無覆盆之嘆死者甘伏劍之心方為稱職昔孔子論德禮刑政猶分本末今德禮不敢問設以政道之而民不從即用殺吾猶忍邇來治世只恃齊之以刑四字耳果

皆道之以政者乎以刑齊之而當其罪即用殺吾猶忍邇來鞠獄只恃嚴加拷掠一法耳果自信無冤民乎夫人情一語之冤不關榮辱猶且裂眦急喉反覆辯白至指天誓日而不肯下况妄加鞭笞誤以徒流甚者鬱九泉不化之氣為千古飲恨之魂乎夫決獄弗慎有司之罪專百十郡邑之刑名而駭然若聾瞽則提刑者非罪之魁耶所有應禁應行事宜願與百執事審圖

肱願與同志者共之耳意激切而語直慙
褊急自慚然明罰勅法責在當司倘不厭
煩屑而一涉眇一沉思油然下膏澤以潤
蒼赤即有深憾於余余固甘之矣仰府州
掌印官即將發下書冊通行所屬正佐首
領官員一體遵行勿得視為文具抄案依
准呈來

